

Staðfesting ársreiknings

Félagsmálaráðherra og formaður ráðgjafarnefndar Jöfnunarsjóðs sveitarfélaga staðfesta ársreikning Jöfnunarsjóðs sveitarfélaga fyrir árið 1995 með áritun sinni.

Reykjavík, 25. júní 1996.

Páll Pétursson félagsmálaráðherra.
Húnbogi Þorsteinsson formaður ráðgjafarnefndar.

Nr. 443

30. júlí 1996

SAMÞYKKT**fyrir Veidifélag Norðurár.**

1. Félagið heitir Veidifélag Norðurár í Borgarfirði. Heimili þess og varnarþing er þar sem formaður á heima hverju sinni.
2. Félagið er stofnað í þeim tilgangi að gera sem arðbærasta laxveiði í Norðurá. Félagið tekur til allrar veiði á félagssvæðinu. Tilgangi sínum hyggst félagið ná með því að selja ána á leigu til stangveiði, en koma í veg fyrir allar aðrar aðferðir við veiði í henni, nema að svo miklu leyti sem nauðsyn þykir að nota við veiði til þess að ná í klaklax. Þó skal silungsveiði heimil veiðieigendum neðan Stóru-Grafarveiða utan samningstíma leigutaka eftir ákvörðun stjórnar félagsins og veiðimálastjóra.
3. Félagssvæðið er fiskihverfi Norðurár, frá sýslumörkum á Holtavörðuheiði til óss þar sem hún fellur í Hvítá, að Gljúfurá undanskilinni.
4. Félagsmenn eru ábúendur eða eigendur allra jarða, svo og eigendur eyðijarða, ennfremur formaður Upprekstrarfélags Þverárréttar, sem veiðirétt á í Norðurá. Þessar jarðir eiga lönd að félagssvæðinu: Ferjukot, Ferjubakki I, Ferjubakki II, Ferjubakki III, Sólheimatunga, Svignaskarð, Haugar, Munaðarnes, Stóra-Gröf, Grafarkot, Litla-Skarð, Laxfoss, Hreðavatn, Brekka, Hraunsnef, Desey, Hvassafell, Dalsmynni, Klettstía, Hreimsstaðir, Dýrastaðir, Hvammur, Sanddalstunga, Fornihvammur, Afréttarland, Sveinatunga, Krókur, Háreksstaðir, Hóll, Hafþórsstaðir, Skarðshamrar, Glitstaðir, Svartagil, Veiðilækur, Einifell, Arnarholt, Hlöðutún, Stafholt, Svarfhóll, Melkot og Flóðatangi.
5. Félagisstjórnin hefur heimild til að leigja einstökum mönnum eða félögum alla ána eða hluta af henni um tiltekið árabíll, þó aldrei fyrir lengri tíma í einu en 5 ár. Í slíkum samningi skal jafnan tekið fram með hve mörgum stöngum megi veiða samtímis á hinu leigða veiðisvæði og önnur skilyrði fyrir veiðinni. Leigusamningur skal háður samþykki félagsfundar.
6. Stjórn félagsins skipa 5 menn, formaður og 4 meðstjórnendur. Stjórnin skiptir sjálf með sér verkum. Stjórnin skal kosin á aðalfundi til þriggja ára í senn, en þeir sem í henni sitja ganga úr stjórn tveir á fyrsta og öðru ári en einn á þriðja ári. Tveir varamenn í stjórn, tveir skoðunarmenn félagsreikninga og einn til vara skulu kosnir til eins árs í senn.

7. Aðalfundur félagsins skal haldinn eigi síðar en 15. júní ár hvert. Aðalfundur skal boða bréfléga eigi síðar en viku fyrir fundardag. Á aðalfundi skal leggja fram skrá um atkvæðisbæra félagsmenn. Nú er ráðgert að breyta samþykktum eða arðskrá og skal þess þá getið í fundarboði. Á aðalfundi skýrir stjórnin frá störfum félagsins á liðnu starfsári og leggur fram fjárhags- og framkvæmdaáætlun næsta árs til samþykktar. Þar leggur hún fram endurskoðaða reikninga félagsins og úrskurðar fundurinn um þá. Hann kveður og á um laun stjórnar og annarra starfsmanna félagsins. Afl atkvæða ræður úrslitum mála á fundum. Þó verður breyting á samþykkt eða arðskrá að hljóta samþykki 2/3 félagsmanna.

8. Reikningsár félagsins er almanaksárið. Stjórn félagsins skal halda gerðabók um það sem fram fer á fundum félagsins og stjórnarfundum. Í hana skal skrá samþykktir félagsins og félagaskrá á hverjum tíma. Stjórn félagsins skal sjá um að bókhald félagsins sé fært samkvæmt lögum og að meðferð eigna þess og fjármuna sé með tryggilegum hætti.

9. Stjórnin hefur á hendi umsjón með öllum framkvæmdum félagsins milli aðalfunda. Hún hefur og eftirlit með því að samþykktum félagsins og ákvörðunum félagsfunda sé hlýtt og má ráða mann sér til aðstoðar til þess að hafa eftirlit með veiðinni o.fl.

10. Arð af sameiginlegri veiði skal skipt niður á félagsmenn samkvæmt arðskrá, sem lög-mætur fundur hefur samþykkt. Um gildistíma og endurskoðun fer eins og segir í lögum um lax- og silungsveiði. Kostnað af starfsemi félagsins skulu félagsmenn greiða í sama hlutfalli, sem þeir taka arð.

11. Brot á samþykkt þessari varðar sektum skv. XVI. kafla laga nr. 76/1970 um lax- og silungsveiði, með síðari breytingum.

Samþykkt þessi staðfestist hér með samkvæmt 52. gr. laga nr. 76/1970 um lax- og silungsveiði, með síðari breytingum, til þess að öðlast þegar gildi og birtist til eftirbreytni öllum þeim sem hlut eiga að máli.

Landbúnaðarráðuneytinu, 30. júlí 1996.

Guðmundur Bjarnason.

Jón Höskuldsson.

REGLUGERÐ

um breyting á reglugerð nr. 690/1994 um snyrtivörur.

1. gr.

17. gr. orðist svo:

Reglugerð þessi er sett með stoð í 2. gr. laga nr. 81/1988 um hollustuhætti og heilbrigðiseftirlit með síðari breytingum og 18. gr. laga nr. 52/1988 um eiturefni og hættuleg efni, sbr. og lög nr. 134/1995 um öryggi vöru og opinbera markaðsgæslu.